

欽定古今圖書集成

方輿彙編職方典



欽定古今圖書集成方輿彙編職方典

第四百五十九卷目錄

南陽府部彙考十三

南陽府兵制考

南陽府物產考

南陽府古蹟考上

職方典第四百五十九卷

南陽府部彙考十三

南陽府兵制考

通志

府總

鎮守南汝總兵官一員駐劄南陽府標下左右

二營管轄鄧新營汝寧營歸德營襄城營陳州

營

標下左營遊擊一員守備一員駐劄裕州千總

二員內分防桐柏一員把總四員內分防唐縣

一員泌陽一員舞陽一員

標下右營遊擊一員守備一員千總二員內分防葉縣一員把總四員內分防鎮平一員內鄉一員淅川一員

鄧新營守備一員駐劄鄧州千總一員把總一員

南陽鎮經制兵四千五百四十名內馬兵九百八名步兵三千六百三十二名

南陽衛 在府治東北明洪武二年建以指揮

領之其掌印京操榆林操城操屯田管局巡捕各員俱考選其幕經歷司鎮撫司其轄左中後千戶所三百戶所三十守禦千戶所二曰鄧州曰唐縣

屯田 三千三十三頃七十六畝六分六釐

屯糧 一萬六千七百八十五石一斗七升五

合

軍器局 在衛治西

演武場 在府城東門外

皇清南陽衛丁地事務歸併南陽府屬南陽唐縣鎮  
平新野各縣管理

南陽中護衛 今裁舊在府治東北明洪武三  
年建以指揮領之其掌印城操屯田巡捕各員  
俱考選其幕經歷司鎮撫司其轄左右中前千  
戶所四百戶所四十

屯田 二千八百三十八頃十五畝七分一釐  
屯糧 一萬七千二十八石九斗四升二合二  
勺

鄧州守禦千戶所 在州西明洪武二年建以  
千戶領之原設其掌印併管局城操巡捕等員  
其轄百戶所十

屯田屯糧 俱附南陽衛

軍器局 在所治外

演武場 在州城西門外

皇清鄧州所丁地事務全歸併南陽府屬鄧州管理  
唐縣守禦千戶所 在縣治東南明洪武三年  
建以千戶領之原設其掌印管局管操併巡捕

等員其轄百戶所十

屯田屯糧 俱在南陽衛

軍器局 在所治東

演武場 在縣城西南二里許

皇清唐縣所丁地事務全歸併南陽府屬唐縣管理

南陽府物產考

府志

府總

多山瀕水之地生物不一黃壤不近河者間有  
墳墟今志其大略云

穀類

香秈 稻名出潢水之澤

黍 似稷而實圓律呂疏用中等者可以准律

稷 廣雅云如黍黃

梁 爾雅梁即嘉穀

栗 李時珍曰栗即梁也

麥 豆 蕎 芝麻

蔬類

蕺 風土記曰葱香菜蜀人所為菹香

韭 詩豳風四之日獻羔祭韭

葱 禮記內則膾春用意

芹 列子野人食芹而美獻之君

蒜 俗名為小蒜

胡荽 俗名荳荽

蔓菁 今呼為諸葛菜

菠稜 劉禹錫嘉話錄曰菠稜菜自西方僧將

來云本是頗陵國種語譌為菠稜

蓼 芥 芋 莧

藜藿 蘿菔 萵苣 瓠

王瓜 以上各屬皆有

木耳 天花 地花 蕨

猴頭 羊肚 鳳尾 葛花

以上出鴉路諸山

果類

香橙 出鄧州今無

胡桃 張騫使西域時得種

白果 又名鴨脚子宋初始入貢

葡萄 張騫使西域攜有黑白黃三種今止間

白黑二種

李 桃

杏

梨

石榴 山柿

菱芡

大棗

黃梅 櫻桃

栗

木類

樞 山海經曰樞木出豐山

桤 山海經曰桤木出豐山

白楊 葉圓其葉小者為青楊嫩葉可食今皆

有之

柳 即垂楊也又有鬼柳材美可作器用杞柳

柔條作箕捲

松 大復伏牛諸山多有之

柏 桐

槐

榆

柘 桑 楸 檜

椿 櫟 棠 梓

椿 女貞

花草類

甘菊 出內鄉菊潭者佳今無

牡丹 唐人為木芍藥今間有之

木槿 一名舜鄭風有女同車顏如舜華是也

朱草 出豐山食之可成仙

蕙草 出鴉路山

苜蓿 史記云大宛國馬者苜蓿漢使得之種於離宮

菖蒲 有水石二種一寸九節者為菖蒲粗者為菖陽今類皆菖陽

芍藥

迎春 木香 薔薇

蜀葵 山丹 芙蓉 海棠

玫瑰 荼蘼 鳳仙 馬蘭

千葉桃 千葉梅 千葉榴 梔

茆 茅 莎 莞

蒹 葭

禽類

鷺 爾雅鷺春鋤

鳧 爾雅鴈沈鳧

鶴 禽經云鶴生三子一為鶴異極成震陰變

為陽震為鶴異為鶴也

雉 鷓鴣

鳩 鴿

鷄 鴛鴦

鶉

鵝

鵲

鴨

獸類

狸 山海經柜山有獸如豚有距音如狗吠名

狸 今鴉路山有之

猴 出秋林夏館諸山

虎 豹

麝 狼

牛 羊

麕 驢 狐 鹿

犬

兔

麀

鱗介類

綠毛龜 一統志云唐縣聖母池內鄉青泉俱出今無

鼈 一名神守淮南子鼈無耳而守神

田螺 生水田岸側殼有旋文肉視月盈虧

鯉 魴 鯽

蟲類

蟬 淮南子蟬無口而鳴飲而不食三十日而

蛻

蜂 陰陽變化錄蜂有相蜂有將蜂蜂王大如

小指無王則羣死

蜻蛉 爾雅虻蛭負勞即蜻蛉別名

蟋蟀 蚯蚓 蠶

財用類

銀砂 鴉路大復諸山皆出昔有鑛今無

銅 騎立山出昔有鑛今無

鐵 南陽內鄉皆出昔有冶今無

錫 出裕州有洞今無

石青 出南陽鐵朶山今無

鋼鈴 出裕州鋼鈴巷今無

鋼鎖 出裕州東關其鎖七道箍今無

土綢 出鄧州

絲帶 一出唐縣一出新野果園

倉臺傘 出唐縣倉臺

龍潭席 出唐縣龍潭店

漆 出內鄉諸山

硯 出裕州黃石山石最佳見諸硯譜今無

縑 布 苧 棉花

紅花 麻油 菜油

藍靛 石灰 蜜

藥類

紫石英 博物記日出安衆王魯山一統志云

出鄧州覆釜山

滑石 出裕州當陽山今無

飛生急靈皮 出內鄉

白花蛇 出鴉路山

車前子 出葉縣文廟者佳

紫蘇 黃精 還童子 牡丹皮

芍藥 柴胡 天花粉 地骨皮

葛根 苦參 酸棗仁 澤蘭葉

南星 香附 兔絲子 益母草

細辛 管仲 金銀花 劉寄奴

黃芪 杜仲 葳靈仙 薏苡仁

連翹 川芎 蔓荆子 楮實子

牽牛 半夏 女貞實 希仙草

莞花 烏藥 遠志 黃柏

蒼朮 百合 厚樸 瓜萋

商陸 防已 白芨 茯苓

瓜蒂 金星過橋草

府志未載物產

南陽縣志

果蔬類

大柿 金針

藥類

山藥 荆芥 山查 扁蓄

牛膝

地榆

薄荷

鎮平縣志

穀類

稻

蔬類

白菜

雲臺

蓮藕

荇蓬

葫蘆

絲瓜

冬瓜

南瓜

西瓜

北瓜

笋

花類

紫荆

石竹

玉簪

碧桃

月季

臘梅

蓮花

草類

蘭草

萱草

三稜

牛尾

狼尾

猪牙

竹葉

過江

竹類

鳳尾

叢竹

紫竹

青竹

薑竹

木類

椒 冬青

藥類

牛旁子 菊花 紅花 黃芩

柏子仁 桔梗 全蝎

羽類

鶴 紫燕 烏鴉

毛類

貓 鼠

蟲類

蜂 蝶 蛙 蜘蛛

唐縣志

蔬類

水芹 香椿 花椒 小茴

楞牙 茨菜 馬齒菜 丁香茄

苦麻菜

木類

棟

鳥類

鷹

獸類

野猪

水族類

蟹

鱸

花草類

珍珠花

凌霄花

秋海棠

向日葵

四季槐

水仙

地瑞

素馨

紫薇

金盞

藥草類

乾葛

元參

升麻

獨活

草烏

蒺藜

馬蹄香

何首烏

青木香

麥門冬

蒼兒母

貨物類

蜜

黃蠟

泌陽縣志

果類

香瓜

芡實

俗名鷄頭子

蔬類

橙芽

黃花

海瓜

東瓜

木類

橙茨

絲桃

橡

藥類

沙參

槐角子

鱗介類

鯨

鯀

鱧

鯁

胖頭

蛤蜊

桐柏縣志

花類

望春花

鄧州志

花類

恨春遲

木類

楓

黃楊

鳥類

鴻 鴈

蟲類

螳螂 蛇 螢

新野縣志

穀類

葛粉

蔬果類

甘露 葶薺 薺菜

花木類

梔子 龍爪 雞冠 枳

櫟

藥類

艾 枸杞 杏仁 皂莢

地黃 蒼耳 蒲公英 旱蓮子

羽類

鶴 黃鶯 練鵲

水族類

鮎 鯖

內鄉縣志

木類

櫨

檠

藥類

枳殼

射干

白芷

石斛

防風

大戟

猪苓

山茨菰

羽類

白鷗

毛類

豺

豨

貉

獾

鱗類

鱖

葉縣志

穀類

龍爪豆

瑪瑙豆

花木類

樺

捲丹

棠棣

鶴虱 按通志出唐縣葉皺而尖長子堅細黑

色南人呼其葉為火杓又名稀蒼

羊桃 按通志出內鄉爾雅曰長楚姚弋今羊

桃也白花子如麥其葉與實皆類桃詩云隰有

長楚即此

蔬類

匏

藥類

木通

烏頭

罌粟

澤瀉

羌活

青藤

薯蓣

大黃

蟬脫

大雄

馬鞭草

羽類

倉庚

鱗類

鱖

鱖

南陽府古蹟考上

府志

本府

南陽縣附郭

屈申城 載漢書注

呂城 史記呂后紀四年封呂忿為呂城侯正

義曰故呂城在鄧州南陽縣西三十里呂尚先祖封按伯夷主四岳祀佐禹有功氏曰有呂故相傳呂尚之祖封此今名董呂村

向城 有二一在南陽縣東北臨向渠一在縣西北魏所置縣春秋時許國向邑之人遷此

武延城 一統志云在府城北俗呼西城春秋時許受蔡侯降於此近有濠縣城俗呼東城

宛城 卽今府城秦建

三公城 郭仲產言宛城南三十里有城甚卑

小相承名三公城漢時鄧禹等歸鄉餞離處也

博望城 在南陽縣東北六十里漢張騫封爲

食邑

西鄂城 在南陽縣北今石橋鎮西應劭曰江

夏有鄂故加西云

史定伯碑 在南陽縣北見水經注

漢圉令碑 一統志云在南陽舊文宣王廟內

其字悉隸書碑石斷裂所可辨讀者天實高惟

聖同戲我君接其蹤體弘化蹈中庸所論歷有

休功追景行亦難雙刊金石示萬邦

安衆城 在南陽縣西南三十里有安衆鋪曹

操破劉表張繡處

清陽城 在南陽縣南

南就聚 載郡國志

瓜里津 在南陽縣東觀書鄧奉拒光武瓜里水經注水上有二梁謂之瓜里渡自宛道途東出赭陽而道方城按此蓋即清水也

夕陽聚 在南陽縣袁山松曰賈復從擊鄧奉追至夕陽聚建武三年世祖自赭陽西入破虜將軍鄧奉怨漢掠新野拒瓜里上親搏戰降之夕陽下遂斬奉

南筮聚 在涇陽城東北又有小長安漢軍為甄阜所破處

百章郭 一統志云在南陽縣界俗呼擘障郭申亭 載博物記

光武臺 一統志云在府城西北又唐鄧新野俱有

鳳雛臺 在南陽縣紫山

釣魚臺 有二一在南陽縣南父老云此臺為涇水壓勝自此臺廢而涇水嚙城東南郭矣一在城東北十五里

拱辰臺 在南陽縣治東明唐藩邸城王建

望鄉臺 在南陽縣舊城西南隅明郭雲割築  
今城遺兩角於外東北卽明遠頂也

石樓 府城北張平子墓南水經注云洱水南  
道側有二石樓相去六七尺雙峙齊竦高可丈  
七八柱圓圍一丈有餘石質青綠光可以鑒其  
上欒櫨承棋雕簷四柱窮巧極刻妙絕人工題  
言蜀郡太守王字子雅南陽西鄂人有三女無  
男而家累千金父歿當葬女自相謂曰先君生  
我姊妹無男兄弟今當安神元宅翳靈后土冥

冥絕後何以彰吾君之德各出錢五百萬一女  
築墓二女建樓以表孝思銘云墓樓東平林不  
近墳墓不能測其處所矣

燕居堂 一統志云在府城東六十里元府尹  
莊文昭建以教郡子弟

觀德亭 在府學南射圃內正統十二年建

百里奚宅 一統志云在府城西七里南去一  
里道旁有墓

張衡宅 一統志云在府城北西鄂城東其址

尚存西南四里有墓又有平子讀書臺

宗資宅 一統志云宗爲南陽名族世居於宛

宅負縣郭宋時有耕農得一甌瓦頂上有宗氏

千秋四篆字文南陽縣東北三里有墓

諸葛廬 府城西南七里臥龍岡昭烈三顧處

有祠今春秋祀焉一統志云卽孔明所居舊爲

祠以奉之常有道士居住夜聞兵聲懼而移之

明宣德中有司新其廬塑像春秋祭祀前代碑

文具存有楊士奇撰文

范蠡祠 在三公城側卽其故宅也後漢末有

范曾字子閔爲大將軍司馬討黃巾賊至此爲

立碑夏侯湛之爲南陽又爲立廟

何進故宅 在南陽縣三公城東

孔嵩舊居 在南陽縣三公城西

樂廣故宅 郭仲產襄陽記曰南陽城九十里

諸葛井 在南陽縣草廬東

石礮 一統志云在府城三里清水環流爲一

城之勝可以禦水患而障城郭其甃石堅完猶

在前賢題詠甚多

百里奚墓 在南陽縣城西七里一統志云墓

前有七石俗名七星冢有碑在墓左次碑陰刻

唐韓賞詩

召信臣墓 一統志云在南陽縣東北七十里

故向城西北清水石堰上近有廟

宋均墓 在南陽縣東北

宗資墓 在南陽縣東北古城內墓前有二石

獸蹲踞相向狀若羚羊左刻天祿右刻辟邪四

字古文最奇左刻為雷所轟有明太守楊應奎

記

張璣墓 在南陽縣城東二里許仁濟橋西其

墓久湮沒於順治年同知張三異因葉縣教諭

蘭陽馮應鰲得其處築土壘之因建祠詳碑記

趙雲墓 一統志云在南陽縣南三十里

黃權墓 在南陽縣城北豫山水經注云山南

有魏車騎將軍黃權夫妻二塚地道潛通其塚

前有四碑其二魏明帝立一是其子及臣吏所

樹者也

唐定王墓

唐靖王墓

俱在南陽縣紫山

竝歷代憲莊成敬順端裕諸王家

新野王墓

在府城西羊山

郭雲墓

在南陽縣城北門內

王文莊公墓

在南陽縣南孟家村

南召縣

皇后城

在南召北雉衡山建武元年世祖遣

傅俊迎光烈皇后於清陽俊發兵三百人宿衛  
道路蓋稅舍所在故名

劉太僕城

南召西七十里

陳王城

南召東南四十里

東西岐州二城

俱在南召西六十里

飼鴉臺

一統志云在三鴉路中大山側相傳

漢光武趨河朔至此失路得鴉引於馬前至此  
飼之故名

楚王宮

無可考即今學宮

過風樓 南名西六十里唐自在和尚參禪處  
臥牛石 南名西六十里相傳有野牛食人自  
在和尚收入伏牛山

空山洞 南名一名子陵洞詳富春山

仙人洞 南名西世傳有仙人居此洞中有潭  
每穀雨黑魚無數自水流出過三日則無

鄧禹墓 南名西十八里

杜茂母墓 南名西諭葬山

鎮平縣

安衆城 在縣漢置縣

猗帝都 在縣騎立山巔

紫金城 安衆侯藩邸鎮平縣城西北隅有舊  
址俗爲紫城

安國城 在縣城東北三里許安衆侯起兵討  
王莽屯兵於此

覽勝臺 在縣廣洋山即破臺因山岡嶄然故  
名破臺後易名

燕子臺 即燕子巖在縣杏花山廣約丈餘下

有石穴內多燕巢

菩提巖 在縣相傳菩提證道於此有肉身在

洞中土人咸敬禮之

葛仙塔 在縣先主山南二里許明葛道人化

於此

王陵墓 在安國城內

劉崇墓 在安國城外

九女塚 在縣晁坡有二大塚附近有九小塚

俗傳有育九女者而九女爲之塋葬焉

唐縣

謝城 一統志云在唐縣湖陽城北周申伯之

都自申遷於此詩申伯番番既入於謝是也荆

州記棘陽東北百里有謝城卽此

北陽城 在縣東漢置

湖陽城 一統志云在縣南故蓼國也漢爲縣

光武封姊爲湖陽公主卽此

慈丘城 在縣東七十里後魏江夏縣地隋置

慈丘縣

青臺城 一統志云在縣北元築以圖襄陽  
釣魚臺 在縣舊志云臺畔崇岡峻嶺洵幽人  
居子陵釣魚處攷漢書嚴光字子陵會稽餘姚  
人少有高名與光武同遊學及光武卽位光乃  
變姓名隱身不見帝思其賢乃令以物色訪之  
後齊國上言有一男子披羊裘釣澤中帝疑爲  
光乃備安車元纁遣使聘之三反而後至舍於  
北軍給牀褥帝卽日幸其館光臥不起帝卽其  
臥所撫光腹曰咄咄子陵不可相助爲理耶光

又眠不應帝與其臥光以足加帝腹尋除諫議  
大夫不屈乃耕於富春山注云卽杭州富陽縣  
也後人名其釣處爲嚴陵瀨顧野王輿地志曰  
七里隴在東陽江夏與嚴陵瀨相接有嚴山桐  
廬縣南有嚴子陵釣魚處今山邊有石上可坐  
十人臨水名爲嚴陵釣臺也按此則富春當非  
南陽釣臺亦不在南陽明矣今富春之名南召  
鎮唐有之而釣臺則南唐鄧裕皆有大都爲鎮  
水壓勝因光武起於南陽子陵爲光武故人而

美其名也遂以為子陵隱於此者誤矣

三義臺 在縣桃園寨漢積穀所

金雞臺 在縣東十里世傳有仙人履此取金

雞碧馬之義名臺

清德堂 一統志云在縣治唐李適之為刺史

人為作清德頌宋知州事頓起讀其辭慕其人

因建堂刻頌云

秋香亭 在縣治內

樊重石室 一統志云在縣南廢湖陽縣重母

畏雷為石室避之悉以文石為階遺蹟尚存

寒泉書室 距縣城西數十武寒泉側相傳樊

侯讀書處

登龍閣 在縣西郭外迤南萬曆二十九年知

縣黃茂建

仙音樓 在縣治東武安廟前萬曆三十年知

縣黃茂葺文昌祠掘地得一石刻仙音樓三字

石下覆一盂內書狀元及第又有銅海馬四因

建敷文書院於右

尹氏碑 在縣南三家河昔有人掘得一碑有  
字數行為宋紹聖間贈金紫光祿大夫夫人尹  
氏墓碑

泗州塔 在縣城內菩提寺宋紹聖二年建

玲瓏洞 在縣南石柱山麓

太平洞 在縣南髮山右其中可容千人居民

避亂於此

候日表 開元十年詔唐州界准勝州例立表

測日影

三墳 元豐中唐州民得三皇五帝書三卷為

三墳

景陽鐘 在縣俗傳由唐河浮來上鑄淳熙年

造今寘南城樓

龜井 在縣城北門外有綠毛龜元至元四年

三部令與順馳驛取龜以進

宋玉墓 一統志云在縣東葬楚大夫宋玉

周勃墓 在舊縣治北城下

杜茂塚 在縣南洪沙河北岸岸南棗陽岸北

唐縣

丁家古塚 未詳

金雞塚 在縣每陰雨聞塚內金雞鳴

泌陽縣

東荊州城 在縣東

吳軍城 在縣東一百一十里吳元濟屯兵處

古唐州城 在縣城北一里土堆猶存

古藍鄉 一統志云在縣漢光武兄劉演敗王

莽前隊大夫甄阜屬正梁丘賜盡獲其輜重卽

此

古洞 在縣城南有二一在東南竇向外一在

西南竇向內四時有聲如風吼上有月臺

泉水廟 在縣東十二里內有古柏凌霄可愛

吳王塚 在縣東北一百二十里楚封吳王夫

差弟夫蓋於房子國葬此

王保保墓 在縣元將軍有碣在

桐柏縣

桐禹廟 在縣淮井上

漢柏 在縣淮源廟六株順治十三年焚其一  
有跟頭鳳翅鶴背玉柱諸名

鐵匱 在縣沈白馬津善水者嘗抹得之

光武城 在縣東

祖述宅 在縣桐柏山下碑石仆

玉女峯 在縣玉女常修煉於此

歇馬嶺 在縣關羽走荆襄駐此

飛仙石 在縣金台觀後崖傳云張三丰飛昇

處

御史臺 在縣胡家後溝相傳前代御史讀書  
處未詳

水簾洞 在縣西南洞口有亭今圯上有天池

懸崖瀑布有若垂簾

桃花洞 在縣西三十里高丈餘深五丈旁有

樓房洞上下兩層又有鑼鼓洞中人擊之有聲

相傳張良於此辟穀

淮井 在縣西三十里有石砌水池上有亭成

化二年野火延燒有三泉湧出又伏流有大禹

導淮處古碑

鄧州

鄧城 在州古鄧子國水經注云鄧之南鄙也昔巴子請楚與鄧為好鄧人奪其幣即此司馬彪以為鄧之鄧聚

舊穰城 在州外城東南隅漢置縣

冠軍城 在州西北四十里漢武帝封霍去病於廬陽鄉名為冠軍後竇憲亦封於此今城東北有去病墓西北有憲墓

涅陽城 在州東六十里內有中書令左雄碑

今穰東鎮迤南四十里有故城即其地也

朝陽城 在州南八十里舊志謂即漢朝陽縣故城南屬襄陽北屬鄧州

魏武城 在州西南五里曹操攻張繡所築

樂鄉城 舊志謂即樂成縣故城東漢以後廢唐襄陽郡有樂鄉城即此地也今在鄧州西南三十里

臨湍城 一統志云在州西北六十里西魏舊

縣隋改曰新城唐復名臨湍

蔡橋城 始築無考在州西南五十里舊志云

因在蔡橋故名

穰東城 在州東北六十里世傳古穰城崇禎

間知州劉振世於穰東鎮置鋪題曰涅陽舊館

涅陽城合在穰東之南

擒虎城 在州西南三十里俗名龍虎城

古村城 在州東南七十里舊志云疑即漢山

都縣故城俗呼為誤兒城

墨城 在州南四十里始築無考俗為里土城

蓋墨字之誤

光武臺 在州吏目公廨內世傳光武寓於此

臺右多柏因名漢柏

太尉臺 在州城上一統志云在三公城蓋鄧

禹為太尉歸鄉人餞於此因築臺

布鼓臺 在州子城南門外俗傳光武擊布鼓

有聲舊志云或曾布鼓於此臺耳崇禎癸未李

自成據鄧州平之

釣魚臺 一在土城西北隅一在州北四十里  
嚴陵河

百花洲 在州城外東南隅宋范文正公所營  
張士遜以鄧國公致仕還第嘗與范公遊此

菊臺 在州百花洲內范公嘗移內鄉菊潭菊  
植其中因有高地遂命之曰菊臺見范公自註  
百花洲圖詩

春風閣 在州東南隅亦范文正公建

竹洞 在州福勝寺去子城東南二里許

看花臺 在州紫金山後

雅祖洞 在州覆釜山清涼寺世傳雅祖居此

紫金洞 在州紫金山宋狀元賈黯讀書處

偃月池 在州紫金山後

古桃花洞 在州治內

漸嘉樓 在州子城東南舊州治內宋謝絳爲  
守時建

悠然樓 在州布樓臺西今子城南門外知州

吳大有建順治初年居民爲關帝閣

看花樓 在州舊看花臺上嘉靖間知州王道行移建紫金山

覽秀亭 在州舊城上謝希深建

嘉賞亭 在州范文正公建

碧蘚亭 在州西禪寺

心源亭 在州學內明倫堂前以覆井泉景泰

四年建

萊公堂 在舊州治內一統志云宋寇準守鄧

後人追思為建此堂堂下有池蒲荷繁茂

遺澤堂 在州劉武襄公故宅姚牧庵扁其堂

菊花潭 在州城東門內迤北二十步范文正

公自註百花圖詩云菊花潭在郡之西郊今在

東門內蓋以城郭遷移故也舊志云此泉於崇

禎壬午復出碍於城掩之邑人張發吉於其地

拾宋碑一片鐫菊潭二字其小字剝蝕不可識

僅有武勝軍副節度及元祐數字略可辨認

落星石 在州小東關五色陸離不知何年所

隕

天師井 在州大東關

八角井 在州開元寺

鐵鍋 在湍河南岸黑龍潭沙磧上不知所始

嘗經大水不能沒舊有聖水寺圯於水或僧廚

故物也崇禎癸未李自成據鄧州遣偽將劉宗

閔率三千人移南二里許順治戊午知州張光

祚以四牛車載還故地

魏冉墓 一統志云在鄧州新城東世傳秦穰

侯魏冉葬於此

霍去病墓 一統志云在州冠軍城東北隅按

漢書去病陪葬茂陵

馬武墓 在州土城小東門外

竇憲墓 在州冠軍城西北

張澹墓 一統志云在州冠軍故城葬西魏征

南將軍張澹家有碑刻其背文曰白楸之棺易

朽之裳銅鐵不入凡器不藏嗟爾後人幸無我

傷宋元嘉中為盜所發獲金銀器甚多

廣武伯墓 一統志云在州東北五十里墓側

有碑云唐廣武伯李公碑天寶二年立

賈黯墓 在州冠軍城內成都范鎮爲銘太原

王珪序

晁員外墓 在州西三里許有奉議郎霍篋碑

豉母塚 一統志云在州舊城內東南隅世傳

金侵宋時瘟疫盛行一老母煎麩豉湯以飲軍

士得全軍而歸母亡爲積土成塚因名

趙長官墓 在州東南四十里金鄧州長官趙

祥葬此見汝寧人物志有姚文正公神道碑

劉整墓 一統志云在州城外西南三里元世

祖時將

李威墓 一統志云在州西南六十里號長樂

林李文達公祖墓明時賜祭田三十六畝

李賢墓 在州城南十里刁河之陽成化五年

命有司營建遣禮部侍郎鄒翰諭祭學士陳文

撰墓誌勅賜祭田四十畝

鐵忠烈墓 在州舊志云去文達公墓十數里

地名下刁河有荒丘故老傳爲鐵忠烈公墓公

死節南京此或其先塋也

三藍墓 漢中太守藍湍山西僉事藍偉二墓

在州西二里六門隄又四十五里為禮部員外

藍洪墓

丁兵馬墓 在州西三十里龍虎城為兵馬指

揮丁周墓翰林李蓑撰墓表又東南三里為兵

馬指揮丁埏墓河南按察使前知州王道行撰

墓表

彭隱君墓 在州城西六十里禹山茱萸河之

陽

新野縣

子城 在縣大城內後漢昭烈所築今環儒學

及分司之西遺址尚存

古城 在縣北肇建未詳

九女城 在縣東世傳九女所築

濟陽城 在縣九女城北未詳所自

黃郵聚 在縣漢世祖建武二年傅俊岑彭擊

秦豐先拔黃郵

東鄉 在縣東漢書云故新都王莽封也

光武臺 在縣北二十里白河東岸世傳光武

常駐蹕於此今圯大半

鄧禹臺 在縣西二十里趙莊村世傳禹築臺

於此閱武今有遺址

彈子池 一統志云在縣東北世傳漢光武嘗

彈蛙於此至今有蛙不鳴

議事臺 在縣世傳徐庶薦孔明於此議事今

儒學東其遺址也

陰后宅 在縣有二今一為城南乾明寺一為

城南十里內苑寺

鄧禹宅 在縣板橋里一統志云雍州記禹與

鄧晨宅隔坡雖牆垣已平基塹可識即三泉坡

也

阿里街

諸葛莊 在縣白岡今為玉皇廟南陽臥龍岡

碑陰載新野地五頃佃人張某蓋其寓隆中或

置莊田於此未可知也

青羊塔 在縣西北十里高數丈

望夫石 在縣北二十五里世傳昔有婦送其夫戍武勝軍佇立不返遂化爲石

晉楸 在縣城北壯穆侯祠相傳晉時所植老幹已枯如怪石狀而旁枝猶茂

青塚 在縣青羊塔右

亂塚 在縣北二里或三四相連或一阜特起狀如連珠世傳爲光武近戚塚云

破塚 在縣東南五里未詳

馬蟻塚 在縣東二十里未詳每大水蟻聚其上

上

馬鞍塚 在縣北八里二塚相連若馬鞍然其世代與人未詳

劉狀元墓 在縣南十里相傳名文龍金時狀元

喬孝子墓 名璣名璋俱新野縣北

孝子齊雲墓 在縣亂塚左

孝子周官墓 在縣

李節婦墓

參議徐茂墓 在縣一里

知府蕭麟墓 在縣溧河鋪太史郭樸為表

兵憲馬化龍墓 在縣

侍郎馬之騏墓 在縣北二十里

內鄉縣

酈縣城 一統志云酈縣城在內鄉縣東漢縣

屬南陽郡隋改菊潭縣今有南酈北酈二城

順陽城 一統志云在內鄉縣順陽堡為漢博

山縣明帝改曰順陽晉屬順陽郡隋仍屬南陽

胡三省通鑑註引五代志云其治在今鄧州菊

潭臨湍之間

菊潭縣 隋置唐初為朱粲所屠縣遂廢顏師

古云菊潭縣即酈縣今按是酈縣所隸地非酈

縣故城也唐開元間復分臨湍三千戶為菊潭

縣見李華臨湍縣令廳壁記可考五代周時菊

潭復廢入內鄉縣其故址在今縣六十里菊潭

堡

北古縣 在縣上北古堡馬山之陽今存古址  
不知置自何代

舊縣城 週圍七里許城門見存在今縣北一  
百二十里內鄉堡西峽口巡檢司舊有宋徽宗  
御製八行書碑

馬尾鎮 在縣順陽堡北即秦漢沮陽故城後  
魏置以拒齊齊將陳顯達攻圍不下即此

渚陽鎮 在縣治北古名臚隆原原東有金銀  
坡舊置巡檢司

羅王城 一統志云在縣西南春秋時楚人伐  
羅即此

商於城 後漢書郡國志南鄉丹水二縣有商  
城水經注云丹水過商縣南又東南逕流南鄉  
丹水二縣之間所謂商於者也一統志云商於  
城在縣商於城堡秦張儀許楚商於之地即此  
按商於城堡即淤村堡也唐李商隱喻鳧羅隱  
有詩

漢王城 在縣北夏館堡山中世傳漢高祖伐

秦道經其地築以駐兵一統志云漢王城在縣北一百里城內有試劍池

赤眉城 在縣北田下堡古名平丘社漢更始既都長安赤眉帥樊崇自武關進兵至此築城暫駐明年入長安更始奔高陵或以卽丹水故城誤

馬圈城 資治通鑑齊東昏侯永元二年太尉陳顯達等與魏軍戰屢破之攻馬圈城城中食盡魏人突圍走顯達入城又遣莊丘黑進擊南

鄉拔之胡三省註云馬圈在南鄉城界南鄉城順陽舊治也按馬圈城卽馬尾鎮一統志云馬尾鎮在內鄉縣順陽堡卽秦漢沮陽故城後魏置以拒齊齊將攻圍不下卽此

阿婆城 在縣西南相傳唐武后所築其土致自長安又火蒸而用之故堅如石至今尚存

陽城 在縣丹水夏館二堡間不知其築自何時

甘菊里 在縣卽菊潭縣地風俗通云其山有

大菊谷水從山流下甚甘美飲之多壽

半山亭 一統志云在縣湯河半山間宋浮休居士窪尊石刻存焉按此亭在今縣西北一百二十里內鄉堡蓋縣治未徙時爲士大夫遊觀之地

窪尊石 在縣半山亭其石有流觴曲水之勢

石門 在縣城北一百二十里西峽口西

靈堂洞 一名顯聖洞在縣西南橋頭堡石堂山晉麻衣子修真處

子陵洞 在縣南十五里

雲華洞 在縣城西北一百二十里西峽口山

畔舊名蝙蝠洞李葦改今名

水簾洞 在縣白崖山有泉流自洞下宛如垂簾

青龍巖 在縣秋林夏館山

巫馬期莊 在縣北二十里

看花樓 在縣城北一百八十里樓置山巔高可萬仞相傳唐武后建

鳳凰臺 在縣北六十里

青雲館 在縣商於城唐杜牧有詩

天春閣

兼隱亭 皆在縣治內

新齋

行齋 在縣皆金知縣元好問建

味經堂 在縣元國子祭酒字木魯翀建學士

虞集有詩

巫馬期墓 在縣北二十里

黃霸塚 在縣北二十里

岑彭墓 在縣西南二十里

劉盆子墓 在縣赤眉城西三里許

范家塚 在縣西南盈家岡有九大塚百餘小

塚相傳為范甯范泰家塚冊府元龜謂非

杜公墓 在縣南相傳為唐杜甫遠祖墓

顏真卿母墓 在縣西峽口

字木魯翀墓 在縣南一百二十里丹江西岸

侍郎李新墓 在縣北三十里

李宗木墓 在縣南一百二十里順陽川官路

南以子蓑貴贈翰林檢討有撫治鄖陽都御史

張國彥碑

胡都憲墓 在縣大峪山名瑞有大學士賈誅

碑

太史李蓑墓 在縣西七里

叅政許評墓 在縣

侍郎張悌墓 在縣城南二里

許孝廉墓 在縣虎頭川名維清許評次子以

子宸貴贈按察使有前禮部尚書錢謙益墓誌

銘

浙川縣

三戶城 在縣南汧村堡週圍一里春秋時晉

執戎蠻子畀楚師於三戶即此晉杜預注云今

丹水縣北三戶亭

析縣 在浙川縣今白亭張坡春秋楚置析邑

漢為縣

丹水城 在縣漢縣括地志云故丹水縣在內

鄉西南一百三十里南去丹水二百步蓋所為  
內鄉即今西峽口當在上白亭堡舊有鮎魚崖  
側大水泛出漢靈帝時丹水丞陳宣功勳碑記  
南鄉城 在縣漢縣

龍城 在縣東南一百二十里週圍六里許元  
世祖為太弟駐兵於此有龍見故名

馬蹬城 在縣東帖山下週圍一里即舊浙川  
縣明設驛今廢

張陂城 在縣西二十里下張陂堡

興化城 在縣浙江西舊有碑成化間廢

漢王城 在縣東嶽廟

四王砦 在縣西北十五里金武仙所置

石穴砦 在縣馬蹬堡石門山宋理宗寶慶中

金將武仙屯兵順陽為宋將孟珙所敗奔馬蹬  
山置大砦於石穴以馬蹬沙窩帖山三砦蔽其

前又以麗金默理板橋王子山鮎魚崖五砦翼  
其傍甚險今故址尚存

羅漢祠 在縣岸峇山有石鑿羅漢尚書胡濙

有詩

九女洞 在縣西北九十里未詳所自

漢王洞 在縣西北一百里

梳洗臺 在縣荆子堡浙江之湄巨石渾成高

丈許方五丈世傳唐武后遊幸於此

表忠閣 在縣龍巢寺後宋歐陽永叔讀書於

此學士彭凌霄建閣

四王塚 在縣東岵山下未詳何王

丹朱塚 在縣西北七里即帝堯子丹朱見一

統志

三丰洞 在縣崖峒山傳為張三丰煉真處

多羅王墓 在縣西北未詳

杜家墓 在縣荆子堡南陽知府杜清妻楊氏

張氏追封京兆郡君子文秀京兆侯及孫允忠

墓

彭侍郎墓 在縣東五里官路北名凌霄

裕州

堵陽城 一統志云在州東六里漢縣屬南陽

郡晉因之後廢俗呼為堵陽堆

襄邑城 一統志云在州南二里西魏置郡隋

為方城縣

順陽石峽 在州東九十里孔明曾於此結庵

後徙南陽今石峽有小茅庵唐時石記猶存

心遠亭

美哉亭 一統志云俱在州舊方城縣治

環翠亭 在州南今廢

畱雲臺 在州南今廢

漢王臺 一統志云在州東南松坡堡漢高祖

築

蘭香室 在州牛心山之麓仙人杜蘭香修真

之所

葛仙居 在州黃石山

扳倒井 在州東三十里漢光武曾駐師於此

有泉以磚砌之為井水從旁出後有光武廟

張釋之墓 在州北三里

孫少師墓 在州北

李都督墓 在州東南五十里有八碑上有李

都督代管平定州河東道等字餘剝落不可讀

黃尚書墓 在州龍坡地廣頃餘牆壕尚存

荆學士墓 在州鳳凰山側

竇將軍墓 在州西南四十里謂漢竇融也墓

前有將軍廟碑謂元竇將軍未知孰是

倪御史墓 在州南

招魂墓 在州征川守備段爾忠戰歿鄉人壘

土為墓葬其衣冠

舞陽縣

定陵城 在舞陽縣北左傳楚築不羹有東西

二城此或即其東城也

楚城 在舞陽縣世傳楚平王築

舊舞陽城 在舞陽縣一統志云即漢樊噲封

邑城內有廟今在城內西北隅有故址

北舞鎮 在舞陽縣北即隋北舞縣

吳城 在舞陽縣東世傳吳元濟反築以拒唐

章華臺 在舞陽縣北世傳楚靈王築考左傳

章華在郢北

浣沙遺跡 在舞陽縣城北三十里唐江俗傳

爲伍員經渡處

歇馬店 在舞陽縣世傳關公歇馬於此

張仙洞 在舞陽縣西關相傳張三丰修煉於

此

石墓潭 在舞陽縣城北五十五里相傳楚平

王葬處

樊噲墓 在舞陽縣城北三十里樊村有記

葉縣

卷城 在葉縣左傳昭公二十五年楚子使季

然郭卷

舊縣城 在葉縣南三十里詳沿革

遵化店 在縣汝墳北

問津村 在縣黃城山下詳山川

牛老陂 在縣南十二里卽丈人止子路宿處

今爲尤潦鋪有碑

溺車灣 在縣東四十里澧水南相傳孔子溺

車於此舊有廟殿廡盡廢基址猶存

曬書臺 在葉縣北十里舊有孔子廟今廢康

熙二十九年知縣呂柳文重建

昆陽故城 卽今縣城

霸王城 在縣東南項羽所築

無霸城 在縣西一里新莽將巨無霸圍昆陽

屯兵於此

蕭王城 在縣舊城內光武築

蒲王城 在縣東北蒲城保東晉時蒲洪自立

爲秦王築此

無陽城 在縣據水經注在芹溝澧水之南今

其地有古城蓋是城也但漢時原有無陽縣不

應並設此疑是南北朝所築

汝墳城 在縣北十五里北齊置縣唐貞觀中

廢

卞城 在縣西十五里據北齊書疑卽河山縣

也省志曰市城

古城 有二一在縣北三十里無考一在縣東

南六十里蓋古方城縣也水經注云苦萊於東之間有小城名方城在漁水之西今此城是

玩龍臺 在舊縣城東葉公好畫龍其時有神龍下降即此

光武臺 在葉縣蕭王城中

尚書臺 又名講武臺在葉縣東二十里詳山

川

湛陂 在葉縣湛河詳山川

嚴村 在葉縣潢水上相傳王莽時子陵嘗隱

於此

白龍井 在縣北河山元范陽侯所置今禱雨

輒應

八角井

四角井 在縣南

雙鳧宮 王喬飛鳥處在舊縣

趙王寨 在縣秦趙村世傳趙與秦戰此

劉盆子寨 在舊縣南花山盆子與樊崇屯兵

於此

李大旺寨 在縣東南七十五里明頂山昔有李大旺曾保此山屋壁磴磨猶存

歐陽別堡 在縣世傳爲歐陽駙馬都尉在河曲

茶園 在縣東南六十里潑粥山北麓其山產茶前代有朱千戶居此有茶園山北有朱千戶墳墳南百步有二石獅子卽其所居

葉君丘 在縣皇覽曰方城西北二里葉公諸梁塚近人祠之曰葉君丘

王喬墓 在縣東南三十里墳臺

諸葛墟 在縣北平頂山下有斷石幢云此地有諸葛舊墳墟今山下迤西有諸葛廟東有金雞塚疑卽孔明葬其祖父處斷石幢爲隋文帝開皇二年物

梅詢墓 在縣南二十五里梅灣宋史詢宣州人給事中知審官院終許州知州

任桷墓 在縣南與梅詢墓近桷蜀人宋初隨孟昶遷汴梁知葉縣

西漢傑墓 在縣西南昆水上有碑碣

馬禿塔兒墓 在縣北砂山有碑

宣帖木兒墓 在縣東南七里元南陽府尹

焦侍郎墓 在縣西北一里名宏弟叅政寬子

運使鈍耐葬

牛太常墓 在縣西唐山名鳳子同知沈度郎

中沈裕耐葬

侍郎衛道墓 在縣東三里

忠烈劉國能墓 在縣西門外

欽定古今圖書集成方輿彙編職方典

第四百六十卷目錄

南陽府部彙考十四

南陽府古蹟考下

南陽府部藝文一

南都賦

漢張衡

淮源廟碑

漢原隸書

闕名

丹水丞陳卿紀勳碑

闕名

桐柏山金庭館碑銘

梁沈約

臨湍縣令廳壁記

唐李華

騎立山龍堂記

宋石雄

重修淮瀆長源公廟記

路振

南鄉太守碑

歐陽修

鄧州謝上表

范仲淹

昆陽城賦

蘇軾

內鄉縣刻經厭獄厲崇碑記

元杲

武安君廟記

李至

鄧州新倉記

金元好問

長慶泉新廟記

前人

職方典第四百六十卷

南陽府部彙考十四

南陽府古蹟考下

各縣志

府志未載古蹟

陵墓附

南陽縣

貴人鄉 縣南七十里即白水村相傳為光武

故里

岡頭 城南七十里土人以為范蠡故里

看花臺 縣東北六十里博望鎮

燕石臺 博望保元府尹莊文昭建以教郡子弟

府君廟 縣東北二十五里草店北

八角井 縣西南三十里

南召縣

韓信寨 南召北三十里

過風樓 南召西六十里唐自在和尚叅禪處

牡丹村 南召西北八十里

王婆洞 南召北三十里

張衡墓 縣北石橋保有崔瑗銘

徐庶墓 臥龍岡

諸塚 俱在紫山內明季二王一發建業高牆

後為隆武一被流賊李自成執罵賊而死

將軍墓 南召西留山不知何許人

鎮平縣

蓮菱池 一名天池在縣西南五十里內產蓮

花菱角故名久乾沒

唐縣

平氏城 在縣東七十里漢屬南陽郡隋屬淮安郡宋入泌陽明初爲唐縣之平市保成化年分屬桐柏縣禹貢之平市縣卽此城也去導淮處不遠

棘陽城 在縣之湖陽西北卽今之王里長營是也訛呼爲濟陽城

東古城 在縣東二十里遺蹟存不可攷

南古城 在縣南四十里基址了然亦不可考  
漢王臺 昔光武駐兵於此忽有疾思魚不可

得時臺下小河躍鯉以奉之其疾遂瘥至今此地無蚊無蠅無蟻蚋諸虫亦古蹟之一異者

岳家臺 在縣十五里其家富而好善光武常過其門後人因其遺址遂築爲臺

黃臺 縣之南四十里前無崇山峻嶺後無蔓壑枝峰孤岡獨峙於平疇衍漾之中上有慈雲寺亦名黃臺寺相傳坦公道場也

拗錫泉 在縣南五十里髮山之麓世傳臨濟祖師雲遊於此錫二拗而泉湧出至今不竭可

古今圖書集成  
考下之三  
溉田數十餘頃

米泔泉 縣東南七十里平市店世傳光武被兵追急問村婦索水婦以淘米水與之光武少飲擲地遂成小河至今水尚濁因名之亦名米泔河

飲馬泉 在縣西白秋店昔傳光武飲馬於此岳子裕昆常往來其上自寓有山高水長之意透玲碑 在縣北青臺其石晶瑩有影必照端公塔 在竹林寺左有遺碣

水簾洞 在縣東南太白山世傳鬼谷子修道處其水瀑洞門如簾今分屬桐柏縣

穆家龕洞 在縣東雙山鑿石爲室人入其中有語輒應又呼爲響洞

竇夫人莊 俗呼爲老竇冲

酒務 熙寧十年唐州置五務酒稅三萬貫

漢馬武墓 在縣南馬武山之南田夫曾犁出一盃大尺餘

漢無事塚 在縣北八里昔光武被王莽追趕

至此塚得脫乃呼曰至此無事後人相傳為無事塚

元馬元帥墓 在縣西長秋店

九塚十八塔 在縣南湖陽店

四郎塚 考據未詳

泌陽縣

舜子城 在邑北山圍如城土人訛為舜城

姨娘城 在縣東五十里鄭家莊西有蹟

藏眉寺 在邑東三十里高邑店築有崇臺相

傳為黃巢發跡處又傳為黃巢避暑處今改名

龍興寺

冢宰焦芳墓 縣北五十里清涼寺後

翰林院侍讀學士焦黃中墓 縣北五十里

桐柏縣

漢碑 漢延熹六年刻款式古雅字畫剝落欲

盡

宋碑 宋大中祥符七年路振書

元碑 元至正四年吳炳重書

石獸四

石門神二 與漢碑同時製

鐵獅二 元天曆年間鑄

鐵椿二 宋慶曆三年鑄

古城 城西八十里

桐柏縣 梁置淮安縣隋改曰桐柏屬淮州唐

屬唐州

鄧州

棘陽城 在州境東南即古謝國地漢置縣居

棘水之陽元舊志云棘陽有鎮介於新野潮陽二縣之間是也

張村城 州西北與冠軍城相去十里疑為新

城臨湍故城

景范樓 後人景仰范公所建也

月夕堂 貞隱李先生居牧菴匾之今廢

雙桂堂 菊泉楊從善與尤逢吉所居牧菴匾

之今廢

鍾美堂 老圃王伯寧所居左丞成公匾之今

廢

世德堂 義士丁埏所居南陽知府戈公匾之

今廢

耐菴 孝源李公所居經亂未毀鄉人思其德

今為祠祀之

菊井 在子城東北隅久廢崇禎壬午久雨陷

出去門北二十餘步礙子城復掩之相傳鄧人

飲菊泉水壽至百餘歲即此也

甘泉井 在十字街東西二泉相對水極清冽

梵塔 在福勝寺宋大聖景祐二年建

五塚 州東南五十里

長塚 州西十里

青塚 州西九十里

黃塚 州西南十三里

茅塚 州東南六十里

煉塚 州北江石河前

志龍塚 州東北三十里白牛鋪

漢將軍李廣墓 州東北五十里

賈將軍墓 在冠軍城後漢賈文爲破虜將軍

杜茂墓 州西南三十里

王太守墓 在湍水南道側有二石樓題云北齊蜀郡王子雅之墓

明張良弼墓 州西南七十里洞兒山誦之祖

孔顯墓 在州城西湍河之北李文達公志其墓

少保李昇墓 在州城西南三里賢之父禮部尚書陳文撰碑成化二年命有司營建

丁昭墓 在城北一里許

刑部主事黃凝道墓 城西二里

武昌知府王聘墓 城西北四十里冠軍之南

張都司墓 州東二里清辰州鎮遊擊張奎墓

辰州死難順治十一年奉

旨命分守汝南道桑芸諭祭有司設棺衾營葬加陞都司准世襲

李給諫墓 兵科給事中李永茂在父墓之右

新野縣

八角井 陰后故宅

武侯閣 舊在縣南圯於水今改建南關外新

城之陽

曹進士墓 銘板橋

知縣楊威墓 鳳鳴鄉

州同潘林墓 北四十里蔣莊

長史喬木墓 鳳鳴鄉

知縣張苡墓 東北石羊岡修撰羅洪先為表

教諭劉瓘墓 板橋

知府劉良卿墓 安樂寨

知縣黃芬墓 南三十里

知府陶鴻儒墓 南三里

郎中馬之駿墓 北三十里

郎中曹隆墓 北二十里

內鄉縣志

析縣 春秋時楚置析邑楚平王遷許於析實

白羽是也漢置析縣屬弘農郡魏晉時縣廢并

入南鄉縣括地志云內鄉縣即析縣故地

丹水縣 漢初置隋時縣廢故址不存一統志云丹水城在內鄉縣西南一百二十里漢縣屬弘農郡晉屬順陽郡北魏置丹川郡後周郡廢後漢書郡國志云南鄉丹水二縣有商密鄉有三戶亭

博山縣 西漢哀帝初改順陽縣爲博山屬南陽郡東漢明帝仍改順陽曹操升南鄉郡晉改順陽郡南北朝更改無常得失不一唐時縣廢金復並置博山順陽二縣元初又廢俱入內鄉

因以名博山順陽二保蓋內鄉舊有酈城丹水博山菊潭北古順陽內鄉浙川諸保皆舊縣名也城址在今縣西南一百三十里堡南堡盡陷於丹江府志以爲卽鄧州治殆因臨湍鄉會入穰縣穰縣今爲鄧州而誤載耳

三戶城 在縣西南淤村保週迴一里春秋時晉執戎蠻子畀楚師於三戶卽此晉杜預註云今丹水縣北三戶亭明一統志亦云三戶城在內鄉縣西南今邑之西南爲古順陽郡地有晉

范晷范甯宋范泰等數墓按史記註范蠡二戶人六朝去春秋未久安知非少伯苗裔耶

榆關 在城北田下保路通嵩縣舊嘗置關今廢其地差暖每歲仲冬未霜向春花木亦先暢茂

魁門關 舊名鬼門關山路險阻在縣北內鄉保木寨橋東是爲西峽口之西明天啓間知縣董改今名昔嘗置關今廢

篩子朶洞 在城北一百五十里夏館山朶洞

有石竅千百天光下燭宛如篩子狀故名

西樊村 在縣西南一百二十里順陽川丹江

西岸元孛木魯文靖公狝墓在焉有元碣

苦竹林 在縣北二百里相傳周蘇后育太子於此

屈原岡 在縣北六十里昔楚懷王興師伐秦爲秦兵所擊敗北歸楚至此地追念屈原亟呼之後人因以名其地蓋史記所載大敗楚師於丹析時也

綠雲亭 在縣治內近城隍廟李葇建今廢李

葇有詩

足園 在城東李葇建今廢李葇許評杜棠俱

有詩

六如園 在堡南保李蔭建內有八景圖多海

內名流題詠今廢

無漏園 在縣西南一百三十里堡南保東岡

下李蔭建今廢

錦陽樓 在堡南保

只園 在城東郭外許評建許維清恢擴今廢

小玉斧園 在城南十里許維新讀書處今廢

容與園 胡廷俊建今廢胡廷俊有詩

丹朱塚 在內鄉保一統志云帝堯子丹朱塚

在內鄉縣西北舊浙川縣西北七里府志又作

浙川

狀元塚 在城南五里相傳為金劉文龍墓

封君李通墓 在岡底寺後以仲子戶部右侍

郎新貴贈工部虞衡司郎中有大學士楊榮撰

墓碑

封君王賢墓 在黃水河以子儼貴贈光祿寺

少卿

同知李貴墓 在縣南連橋仕安慶府同知

知縣李睽墓 在縣南丹江西杏兒山下貴子

仕西鄉知縣有撫治鄖陽都御史孫應鰲撰墓  
碑

柴封君父子墓 在城南二里以太子少保昇

貴贈祖蘭封父文璋俱南京禮部尚書昇墓在

南陽縣東三里

封君胡忠墓 在縣北以子巡撫大同右副都

御史瑞貴封禮科給事中

長史黃堂墓 在縣西仕濟寧知州

通判李從今墓 在縣東北五十里

知縣符載墓 在城西仕館陶知縣

封君許存仁墓 在縣西以子陝西副使加陞

叅政評貴封刑部員外郎

封君張汝楫墓 在縣西四十里以子宣大巡

撫悌貴封戶部主事

封君李應祥墓 在城西五里望城岡葬於父

世祿墓旁以子山東布政使得中貴贈兵部郎

中

布政李得中墓 在城南

封君鄭應墓 在狀元塚北以子常德府知府

時舉貴封阜城知縣加贈刑部員外

知府鄭時舉墓 在城西二里

推官許維新墓 在城北三十里

封君陳九山墓 在縣西北五里以子福建督

糧道副使道暉貴封壽光知縣

按察使許宸墓 在城北岡底

戶部于肖龍墓 在城東北三十里

密雲知縣胡景暘墓 在城西五里

永州知府胡良知墓 在城西三十里

孤魂墓 在邑厲壇西元末紅巾賊起南陽州

縣盡為戰場官兵與之大戰於此死者山積明

洪武初年聚其遺骸而葬之立石碣於墓上刻

曰孤魂墓俗呼為萬人塚

各鄉保義塚一十五處 一岡底地五畝一八

迭川地五畝一屈原岡地四畝一酈城地三畝

一謝家岡地三畝一許家井地三畝一磚河地

六畝一關兒溝地六畝一苦竹河地四畝一赤

眉城白雲菴地三畝一下北古保地二畝一高

皇溝地五畝一老關廟地五畝一李家墳地二

畝一七峪店地六畝俱萬曆間知縣尚從試創

設

四關義塚 各一俱順治間知縣劉緝堯增置

浙川縣

順陽城 在順陽保漢為博山縣屬南陽郡明

帝改曰順陽晉屬順陽隋仍屬南陽

商於城 縣西南古城岡有遺址秦張儀許楚

商於之地應即此

博山城 縣東南百餘里順陽保其城遺址久

墮浙江中不存

張陂鎮 下張陂保宋元置巡檢司

石門 在馬蹬保兩岸對起如門

酒婦岡 縣北五十里世傳光武困於莽兵忽老嫗以酒進遺址尚存

賽掇石 縣南十五里窄口舊傳有三神女掇石累此下臥巨口上加大中承以細者高可三仞立於沱水之崖頭欹腰裊仰望若飛尋勝者梯緣跡之兀巔有剪筐痕隱然亦奇跡也

窪尊石 在縣西浙水之旁卽古析縣地石上有窪尊形若曲水流觴之勢相傳春和士人游

衍其上有窪尊銘曰天開地成禹析媧并第二行剝落不可讀第三行可盈不可傾焙以醉忌平照上謹爾形內鄉亦有在西峽口西山舊半山亭

韻園 全進士璩舊隱處去縣二里許今其姪孫諸文學仍肄業於中有學士彭凌霄記見藝文志勝槩荒落十僅一二

涉園 縣東郭外選貢彭必夫家園環池漾月茂竹延風中有碧涵亭水明樓頗堪眺賞今僅

存舊址

范家塚 縣東南九十里浙江東岸承寬埠口

大塚九處小塚百餘相傳為秦甯家塚墓而碑

石皆亡久矣

元祭酒字木魯狝墓 在縣東一百里

裕州

堵陽釣臺 漢嚴子陵曾釣於此今猶綠楊垂

蔭清水漣漪

虎頭岩 在州西北二十里兩山壁峙山巔一

石狀如虎踞

漢張廷尉墓 在州北三十里

漢膠東侯賈復墓 在州東四十里

舞陽縣

樊噲城 在城南西北隅乃噲封邑故居有城

基存焉

孟寨 在縣北十五里相傳元末邑人孟氏世

居其地立寨以避兵

義塚 一在西廓外大路南舊地四畝續增地

三畝一在西廓外三里河路北一在卸甲店地  
一畝一在吳城店地五畝一在北舞渡店地四  
畝

皇清順治九年設立義塚共十處

以下出河南通志

雉城 在府城北八十里秦文公時築因雉止  
於此故名縣

朝陽城 在府城南朝水之陽漢縣屬南陽郡  
今俗呼刁城

關索城 在泌陽縣東北九十里關索所築

楚王城 在舞陽縣北世傳楚平王築

昇僊閣 在裕州北黃山右乃葛僊翁修真之  
所

曲水臺 在桐柏縣南五里宋慶曆間建臺側  
有石高丈餘許刻銘尚存

講武臺 在葉縣東唐武侯講武之地即府志  
中之尚書堂

福謙堂 在裕州城隍廟後知州許倫建

礪石硤 在南召縣東北四十里世傳漢陳琳  
礪刀於此石隙尚存

樊噲宅 在舞陽縣西北隅漢舞陽侯樊噲故  
宅有垣基廣百步

漢工部尚書韓稜墓 在舞陽縣西南四十里  
韓韶墓 在舞陽縣西南四十五里

北魏安泉侯李崇墓 在鎮平縣東北  
太守王思正墓 在鄧州湍水南道旁有石樓

題云蜀郡太守王子雅之墓

唐銀青光祿大夫張果墓 在桐柏縣東六十  
里

元府尹元宣墓 在葉縣東孟奉保

明工部尚書柴昇墓 在府城東三里

皇清都司辰州死難張奎墓 順治十一年奉  
旨葬南陽故里

南陽府部藝文一

南都賦

漢張衡

於顯樂都既麗且康陪京之南居漢之陽割周楚之  
豐壤跨荆豫而為疆體爽塏以閑敞紛郁郁其難詳  
爾其地勢則武關關其西桐柏揭其東流滄浪而為  
隍廓方城而為墉湯谷涌其後清水盪其曾推淮引  
湍三方是通其寶利珍怪則金彩玉璞隋珠夜光銅  
錫鉛錯赭堊流黃綠碧紫英青臚丹粟太乙餘糧中  
黃穀玉松子神陂赤靈解角耕父揚光於清泠之淵

古今圖書集成  
游女弄珠於漢臯之曲其山則崆峒嶠嶂嵒嵒嵒刺  
岸峒崑崙嶽嶽屹嶠幽谷替岑夏含霜雪或岩嶙而  
纏聯或豁爾而中絕鞠巍巍其隱天俯而觀乎雲霓  
若夫天封大狐列僊之陬上平行而曠蕩下蒙籠而  
崎嶇坂坻截辟而成巘谿壑錯繆而盤紆芝房菌蠢  
生其隈玉膏瀦溢流其隅崑崙崙無以麥閭風不能踰  
其木則檉松楔椶椈栝柎楓柙樞櫨帝女之桑楮  
枅枿欄柅柘櫨檀結根竦本垂條嬋媛布綠葉之萋  
萋敷華蘂之蓑蓑元雲合而重陰谷風起而增哀攢

立叢駢青冥盱眙杳藹蒼鬱於谷底森蓊蓊而刺天  
虎豹黃熊游其下穀獲猱狔戲其巔鸞鸞鷓鷯翔其  
上騰猿飛獼棲其間其竹則鐘籠篔簹籊籊篔簹緣  
延坻坂澶漫陸離阿那蒼茸風靡雲披爾其川瀆則  
滢灑灑濇發源巖穴潛窟洞出沒滑濩滴布濩漫汗  
漉沆洋溢總括趣欲箭馳風疾流湍投澱研汎軻軻  
長輪遠逝溼淚減汨其水蟲則有蠓龜鳴虵潛龍伏  
螭鱓鱣鰭鱗鼉鼉蛟蠃巨蚌函珠駮蝦委蛇若其陂  
澤則有鉗盧玉池赭陽東陂貯水渟洿互望無涯其

古今圖書集成  
草則有蔗芋蘋莞蔣蒲蒹葭藻茆菱芡芙蓉含華從  
風發榮菲披芬葩其鳥則有鴛鴦鵠鷺鴻鴛鴦鵠  
鵠鷺鷓鴣鷓鴣鷓鴣和鳴澹澹隨波其水則開竇  
灑流浸彼稻田溝澮脈連堤塍相轄朝雲不興而潢  
潦獨臻決滌則曠爲漑爲陸冬稔夏穉隨時代熟其  
原野則有桑漆麻苧菽麥稷黍百穀蕃廡翼翼與與  
若其園圃則有蓼葳蕤荷蓀蔗薑播斝蓂芋瓜乃有  
櫻梅山枳侯桃梨栗棗若櫛穰橙鄧橘其香草則  
有薜荔蕙若薇蕪蓀萋晻曖蒼蔚含芬吐芳若其廚

膳則有華薌重秬滢臯香秬歸鴈鳴鷄黃稻鱸魚以  
爲芍藥酸甜滋味百種千名春卵夏筍秋韭冬菁蘇  
殺紫薑拂徹羶腥酒則九醞甘醴十旬兼清醪敷徑  
寸浮蟻若萍其甘不爽醉而不醒及其糾宗綏族禴  
祠蒸嘗以速遠朋嘉賓是將揖讓而升宴於蘭堂珍  
羞琅玕充溢圓方琢瑀狎獵金銀琳琅侍者盡媚巾  
幘鮮明被服雜錯履躡華英儼才齊敏受爵傳觴獻  
酬旣交率禮無違彈琴擲籥流風徘徊清角發徵聽  
者增哀客賦醉言歸主稱露未晞接歡宴於日夜終

古今圖書集成  
愷樂之令儀於是暮春之禊元巳之辰方軌齊軫祓  
於陽瀕朱帷連網曜野映雲男女姣服絡繹繽紛致  
飾程蠱僂紹便娟微眺流睇蛾眉連卷於是齊僮唱  
兮列趙女坐南歌兮起鄭舞白鶴飛兮繭曳緒修袖  
繚繞而滿庭羅襪躡蹠而容與翩緜緜其若絕眩將  
墜而復舉翹遙遷延踈蹇踟躕結九秋之增傷怨西  
荆之折盤彈箏吹笙更爲新聲寡婦悲吟鷓鴣哀鳴  
坐者悽歔蕩魂傷情於是羣士放逐馳乎沙塲駉驥  
齊鑣黃閒機張足逸驚飈鏃析毫芒俯貫魴鱖仰落

雙鶴魚不及竄鳥不暇翔爾乃撫輕舟兮浮清池亂  
北渚兮揭南涯汰瀉潏兮船容裔陽侯澆兮掩鼻驚  
追水豹兮鞭蝸蝻憚夔龍兮怖蛟螭於是日將逮昏  
樂者未荒收歡命駕分背迴塘車雷震而風厲馬鹿  
超而龍驤夕暮言歸其樂難忘斯乃游觀之好耳目  
之娛未覩其美者焉足稱譽夫南陽者真所謂漢之  
舊都也遠世則劉后甘厥龍醢視魯縣而來遷奉先  
帝而追孝立唐祀於堯山固靈根於夏葉終三代而  
始蕃非純德之宏圖孰能揆而處旃近則考侯思故

古今圖書集成  
匪居匪寧穢長沙之無樂歷江湘而北征曜朱光於  
白水會九世而飛榮察茲邦之神偉啓天心而寤靈  
於是宮室則有園廬舊宅隆崇崔嵬御房穆以華麗  
連閣煥其相徽聖皇之所逍遙靈祇之所保綏章陵  
鬱以菁葱清廟肅以微微皇祖歆而降福彌萬祀而  
無衰帝王臧其擅美誅南音以顧懷且其君子弘懿  
明獻允恭溫良容止可則出言有章進退屈伸與時  
抑揚方今天地之睢刺帝亂其政豺虎肆虐真人革  
命之秋也爾其則有謀臣武將皆能攫戾執猛破堅

摧剛排捷陷局蹴蹈咸陽高祖階其塗光武攬其英  
是以關門反距漢德久長及其去危乘安視人用遷  
周召之儔據鼎足焉以庀王職縉紳之倫經綸訓典  
敷納以言是以朝無闕政風烈昭宣也於是乎鯁齒  
眉壽鮐背之叟皤皤然被黃髮者喟然相與歌曰望  
翠華兮葳蕤建太常兮裊裊飛龍兮騃騃振和鸞  
兮京師總萬乘兮徘徊按平路兮來歸豈不思天子  
南巡之辭者哉遂作頌曰皇祖止焉光武起焉據彼  
河洛統四海焉本支百世位天子焉末世克孝懷桑

梓焉真人南巡觀舊里焉

淮源廟碑 漢原隸書

闕名

延熹六年正月八日乙酉南陽太守中山盧奴君處  
正好禮尊神敬祀以淮出平氏始于大復潛行地中  
見於陽谷立廟桐柏春秋崇奉災異告愬水旱請求  
位比諸侯聖漢所尊受珪上帝太常定甲郡守奉祀  
穉絜沈祭從郭君以來二十餘年不復身至遣行丞  
事簡略不敬明神弗歆災害以生五嶽四瀆與天合  
德仲尼慎祭常若神在若淮則大聖親之桐柏奉建

廟祠崎嶇逼狹開拓神門立闕四達增廣壇場飭治  
華蓋高大殿宇整齊傳館石獸表道靈龜十四衢廷  
弘敞宮廟高峻祇慎慶祀一年再至躬進三牲執玉  
以沈為民祈福靈祇報佑天地清和嘉祥昭格禽獸  
碩茂草木芬芳黎庶賴祉民用作頌其詞曰泫泫淮  
源聖禹所導湯湯其逝淮海是造疏穢濟遠柔順其  
道弱而能強仁而能武 闕 備晝夜明哲所取實為四  
瀆與河合矩烈烈明府好古之則虔恭禋祀不銜其  
德惟前廢弛匪功匪力災眚以興陰陽以忒陟彼高

岡臻茲廟側肅肅其敬靈祇降福雍雍其和民用悅  
服穰穰其慶年穀豐殖望君輿駕扶老攜息慕君之  
軌奔走忘食懷君惠賜思君罔極於胥樂兮傳於萬  
億

丹水丞陳卿紀勳碑

闕名

丹水丞陳卿諱宣字彥成汝南新陽人丞相曲逆侯  
平者其裔胄也枝葉扶疎或去戶牖遷乎淮漢之間  
奕世載德忠以立朝印綬相承卿傳家學歐陽尚書  
仕郡歷主簿督郵除項都卿齊秩來補臨縣檢身元

默能清能慎躬修禹稷導淮之術規矩原隰高下之  
宜觀相五土殖種之利阿堤一析邀遮丹流溉田三  
十頃遭末壽三年七月壬午洪水盛多塘突隄防衝  
搏溝渠絕不復穡十有七年陵阪坳薄田畝荒蕪民  
失水利遂以匱乏至建寧元年春二月卿自單騎經  
營章度復修古跡戶悅人忻咸相招會陳力信功旬  
月而成長流投注漫渥霑足溉田二十餘頃滋液廣  
闊餘流延漫南鄉詩美經始靈臺庶民子來曷以是  
加維殖五稼而以芴焉於是嚶民胡方等仰叩穹旻

欲報靡由乃登山伐石建立金碑甄記鴻惠不可遺  
忘垂示罔極其詞曰穆穆陳卿弘德滂沛功成善就  
巍巍碩大邦內是寧百姓是賴餘流義水洋溢境外  
民以殷富國以康艾如地以載如天以蓋弘勳億軫  
令聞來世建寧四年五月庚申

其碑明末崩于河無跡可尋

桐柏山金庭館碑銘

梁沈約

夫生靈爲貴有識斯同道天云及終天莫反故仙學  
之祕上聖攸尊啓玉笈之幽文貽金壇之妙訣駐景  
濛谷還光上枝吐吸煙霞變煉丹液出沒無方升降

自己下栖洞室上賓羣帝覩靈嶽之驟啓見滄波之  
屢竭望元洲而駿驅指蓬山而永驚芝蓋三重駕螭  
龍之蜿蜒雲車萬乘載旗旆之逶迤此蓋栖靈五嶽  
未暨夫三清者也若夫上元奧遠言象斯絕金簡玉  
字之書元霜絳雪之寶俗士所不能窺學徒不敢輕  
慕且禁誓嚴重志業艱劬是非天稟上才未易可擬  
自惟凡劣識鑿鮮方徒抱出俗之願而無致遠之力  
早尚幽栖屏棄情累畱愛巖壑托分魚鳥塗愈遠而  
靡倦年既老而不衰高宗明皇帝以上聖之德結宗

古今圖書集成  
元之念忘其菲薄曲賜提引來自夏汭固乞還山權  
憩汝南縣境固非息心之地聖主纘歷復蒙繫維未  
泰元年方遂初願遂遠出天台定居茲嶺所憩之山  
實維桐柏靈聖之下都五縣之餘地仰出星河上參  
倒景高崖萬沓邃澗千廻因高建壇憑巖考室飭降  
神之宇置朝禮之地桐柏所在厥號金庭事曷靈圖  
因以名館聖上曲降幽情畱信彌密置道士十人用  
祈嘉祉約以不才首膺斯任未棄人羣竄景窮麓結  
懇志於元都望霄容於雲路仰宣國靈介茲景福延

吉祥於清廟納萬壽於聖躬又願道無不懷澤無不  
至幽荒屈膝戎貊稽顙息鼓輟鋒守在海外因此自  
勉兼遂微誠日久勤劬自強不已翹心屬念晚臥晨  
興餐正陽於停午念孔神於中夜將三芝而延佇飛  
九丹而宴息乘鳧輕舉畱鳥忘歸以茲丹款表之元  
極無日在上日鑒非遠銘石靈館以旌厥心其辭曰  
道無不在若存若亡於惟上學理妙羣方用之日損  
言則非常儵焉靈化羽衣霓裳九重嶢峴三山璀璨  
日爲車馬芝成宮觀虹旌拂月龍輶漸漢萬春方華

古今圖書集成  
千齡始旦伊予菲薄切慕隱淪尋師講道結友問津  
東採震澤西遊漢濱依稀靈眷髣髴幽人帝明紹歷  
惟皇纂位屬心鼎湖脫屣神器降命凡底仰祈靈祕  
瞻彼高山興言覆篔啓基桐柏厥號金庭喬峯過峭  
擘漢分星臨雲置墀駕嶽開櫺闥塗蹇產林祈葱菁  
誰謂應遠神道微密慶集宮闈祥流罕畢其久如地  
其恆如日壽同南山與天無卒樂生變煉外示無功  
少君飛轉密與神通因資假力輕舉騰空庶憑嘉誘  
未濟微躬

臨湍縣令廳壁記

唐李華

鄧爲天下局闔兩都南蔽秦漢以來多封將相姻戚  
故其人益豪疆內全邑曰南陽曰穰曰臨湍蓋古新  
城也穰州府所理吏不暇息南陽領戶既寡姦俠所  
歸惟臨湍境清人間從仕者所樂開元裂此鄉三千  
戶爲菊潭縣天寶至德之間狂寇南侵南陽爲戰地  
地荒人散千里無烟尤以郵置之衝往復王命權置  
官吏招集疲人如寒加裘如饑併食聖朝臨下有赫  
哀撫兆人誅元兇清天下詔方鎮選良吏平昌孟威

古今圖書集成  
字承顏自左驍衛兵曹參軍本道節度使表爲此縣  
始至戶不盈百爲政七月盡室而歸者千餘家難矣  
哉古之爲政者先諸人後諸身先其人則人不勞後  
其身則身逸承顏勤恤老幼而休息之損有餘補不  
足而煦育之人諭其心則不勞而理矣古之求士者  
觀諸其家知厥爲政承顏奉版輿冒戰塵北越鞏洛  
歸家於漢上又以清白之祿爲甘旨之資臣子之道  
卓然則其餘可知也令長品秩章綬人皆知之故不  
書今所書議能也寶應元年甲辰左補闕李華記

騎立山龍堂記

宋石雄

穰之西北隅亂峯屏開東距嵩嶽西接商於互千餘  
里層巒疊嶂不可勝紀其秀出者唯騎立山焉其山  
峒嶢嶙峒嶷然勢孤望之宛如騎立因而爲名山有  
三池一在山頂一在山腹一在山足其上中二池非  
惟鳥道懸絕而復有毒蛇猛獸衛之人莫能到其下  
一池若遇歲旱民往挹其水而禱之皇上御宇之元  
年命太尉侍中清河公鎮於是邦公卽周室之戚里  
也公素高戰策頗有政術當周有天下嘗董禁旅鬱

古今圖書集成  
爲良將南擊淮彝削平賊壘若疾風之驅敗葉克清  
千里江表款附由是四海知名又連殿東郡澶泉壁  
田三鎮政成功高首出羣后民懷其德道路誅歌之  
其殊勳大略藏在周之盟府不俟文繁及仗鉞屆此  
令聞日新博施有加平心接賓無懈怠色去吏之耗  
蠹均民之勞逸不數月而化行不周星而俗阜鄧民  
愛之如慈父母而又善騎射明律曆好莊老尤重儒  
術公退嘗與諸從事追隨燕遊凡酒酣樂闋或論元  
言或聯律句如吐玉屑雖鴻儒博學往往折角當時

翕然稱爲賢又膺穰七載歲皆有微旱嘗遣人詣騎  
立山請其水水至公揖諸僚友率其官屬適野遠迎  
焚香致拜朝晡無停皆不踰旬而致滂沱地財未嘗  
有損也自是千里之內七歲之間無餓殍無旱災無  
不獲之虞實池水之靈公之至誠所感也與夫徙市  
曝尫闔陽門闢元戶者豈可同日而語哉公一日與  
諸從事從容而言曰騎立山之靈貺可稱希代之事  
也三農實賴之苟不與廟貌何以慰民心於是自撤  
清俸不撓民力取梓材選良匠板幹圻墁斧斤繪塑

古今圖書集成  
波炙而至月餘而畢其功已觀成矣不測之神儼然  
開閔牖闔金鋪綺疎棟梁楹桷虹盤螭屈輪奐豐蔀  
無以尚之嗟夫變旱苗成嘉穀神之施也如彼闢濠  
谷建廟食公之報也如此共濟其美莫之與京雄辱  
爲公之從事十有三年矣文學淺深亦盡知之矣一  
旦以斯見請故不敢竊多溢之美惟冀伸無愧之辭  
稟命揮毫直書其事勒於翠琰垂之來代未遠彌芳  
重修淮瀆長源公廟記  
路振

臣聞山川之氣網緼而交感故風雨時至而煦育彰

焉陰陽之化磅礴而無迹故肸鬻相應而神明生焉  
若夫積厚成功利物而不窮靈長毓粹曠世而流光  
祀典以興其來尚矣昔者鯀堙洪水績用弗成下民  
由其昏墊明禋以之匱乏帝媯行巡狩之禮始秩羣  
望夏禹除懷襄之害首奠大川安流載融善利斯積  
潤下之德旣冠於九疇視侯之爵乃崇於四瀆周禮  
著浮沈之祭秦官修泮涸之儀壇坎旣嚴方幣亦異  
兩漢而下舊章彌縟茲蓋王者崇稼穡之本防災沴  
之興將以庇民於太熙儲祉於豐歲未有不重山川

古今圖書集成  
之祀賁神靈之宇以延乎蕃錫者也若乃觀濫觴之  
迹稽神化之方東瀆比於長圍大淮稱爲奧府始經  
營於赤位終漾漫于炎野晦明不爽自通朝夕之潮  
化產兼包靡容汾澮之惡故其漭淪浩蕩湍流廻直  
蘊蟻珠而不耀指鯁海而迅征靈氣所憑廟貌斯顯  
惟物應之盛者故能宅高明之麗陰鷲之大者故能  
歆優裕之享幽贊之道今古如一者其惟長源公乎  
若夫崇封奠獻之禮冠冕服章之度禦災捍患之力  
發祥震怪之符是皆紀在策書不煩述也崇文廣武

感天尊道應真佑德上聖欽明仁孝皇帝受元符之  
七載既覲東后而登岱嶽飭秋駕而巡冀壤上封展  
宗躬接乎萬靈頌祇育穀虔修乎明祀人神訢合符  
瑞並至庶徵時若寒燠由是不愆厥壤可游雲露以  
之流潤禮節興而風俗茂刑辟措而生齒繁家有絃  
誦之聲人知洙泗之教昆蚊咸遂忠厚之化行疵癘  
不作生成之德著以至靈官降於未夕諄誨通乎吉  
夢祇見真祖親接緒言識寶系之綿長飲瓊液之甘  
潤於是却拱壁而進道嚴葆衛以朝真躬款鬱華之

庭虔展廟壇之禮鴻儀有赫不應還臻瑞景藹於三  
辰祥輝發於九井回蹕睢陽之奧壤觀風藝祖之舊  
邦浚發德音懋建京邑格太宮而裸鬯陟泰壇而升  
燎湛恩溥洽不冒於八荒星郵四出徧告於羣祀而  
嶽鎮海瀆之望愈嚴飭矣先是長淮公廟在桐柏縣  
之西南地方湫隘淵流沮洳伏牛之潦游至射隼之  
埔屢毀開寶中太祖皇帝遣使臨視徙其地焉巍山  
峙其前長淮盪其後叢楹畢構連觀相望彼都人士  
嘆其爽塏歲月滋久棟梁斯撓守臣率職不敢違寧

驛書上聞中旨隨降翌日詔入內殿頭白崇慶率翰  
林畫工圖宮室之狀八作大匠定營繕之制發唐鄧  
許潁屯兵以給其役又詔前桐柏令周憲卽山度材  
榱桷杞梓塞川而下官不嚴而治工不戒而備事無  
愆期人有餘力繚垣屹立回廊四合雕甍高映邈倒  
景而上千崇扉洞開列方軌而並進夫制作之盛邦  
家之壯觀也報降無爽神靈之善應也宜其享豐懋  
之福協蕃昌之兆降祉於萬禩保民於無疆者也下  
臣受詔茂揚成績辭不逮意何以贊斯干之謠言媿

古今圖書集成  
無文豈足彰輪奐之作孤奉綸旨徒竭斐辭燥吻怔  
忪直書梗概云爾大中祥符七年十一月十日記

南鄉太守碑

歐陽修

晉南鄉太守碑不著書撰人名氏題曰宣威將軍南  
鄉太守司馬府君紀德頌碑云君諱整字孔修太宰  
安平王之孫太尉義陽王之子按晉書宣帝弟曰安  
平獻王孚孚次子曰義陽成王望望第三子隨穆王  
整先望卒後武帝分義陽之隨縣封整爲王諡曰穆  
整以泰始三年自南鄉太守徙南陽而南鄉人共立

此碑今在光化軍軍卽襄州穀城縣之陰城鎮按晉  
志不列南鄉郡據此碑所載縣令名氏有武陵筑陽  
丹水陰城順陽析六縣此蓋南鄉郡所治也晉志但  
云南鄉魏時屬荊州武帝平吳改爲順陽郡而不著  
順陽治所興廢屬縣之名而獨此碑可見也又整傳  
但云整歷南中郎將封清泉侯薨贈冠軍將軍亦不  
言其爲宣威將軍南鄉南陽二郡守皆其所漏略也

鄧州謝上表

范仲淹

臣某言伏奉制命授臣給事中依前資政殿學士知

古今圖書集成  
鄧州軍州事已禮上訖鎖闈清品穰都善地處之甚  
重惴然若驚臣中謝竊念臣志意本微才力素寡始  
干及親之祿俄有得君之遇啓沃無隱出處惟命持  
一節以自信歷三黜而無悔頃以氏羌犯塞朝廷盱  
食起臣思過之地授臣禦戎之策往罄死力敢圖生  
還夙夜一心首尾四載僅免輿尸之禍終無克敵之  
勳一旦召還五章陳讓惟求守塞不敢入朝再煩詔  
音促登樞右改參大政俾竭微才革姑息之風則謀  
身者切齒尚循默之體則愛國者寒心退孤上恩進

斂羣怨誠難處於要路復請行於邊鄙方陳豫備之  
策俄覩綏懷之事迺宣沛澤以安黎元臣以患肺久  
深每秋必發求去沍寒之地以就便安之所庶近醫  
藥存養晚年伏蒙皇帝陛下天覆地生雲濡雨濯進  
以清近之秩付以偃息之藩風俗舊淳政事絕簡心  
方少泰病宜有瘳實繫寬大之朝將幸康寧之福敢  
不孜孜於善戰戰厥心求民疾於一方分國憂於千  
里上酬聖造少罄臣誠

昆陽城賦

蘇軾

古今圖書集成  
淡平埜之藹藹忽孤城之如塊風吹沙以蒼莽悵樓  
櫓之安在橫門豁以四達故道宛其未改彼野人之  
何知方偃僂而畦菜嗟夫昆陽之戰屠百萬於斯須  
曠千古而一快想尋邑之來陳兀若驅雲而擁海猛  
夫扶轅以蒙茸虎豹雜沓而橫潰罄天下於一戰謂  
此舉之不再方其乞降而未獲固以變色而驚悔忽  
千騎之突出犯初鋒於未艾始憑軾而大笑旋棄鼓  
而投械紛紛籍籍死於溝壑者不知幾何人或金章  
而玉佩彼狂童之僭竊蓋已旋踵而將敗豈豪傑之

能得盡市井之無賴貢符獻瑞一朝而成羣兮紛紛  
就死其何怪獨悲傷於嚴生懷長才而自浼豈不知  
其必喪獨徘徊其安待過故城而一弔志士爲之末  
慨

內鄉縣刻經厭獄厲崇碑記

元杲

大觀己丑春承議郎雍公方賢出宰鄧之內鄉下車  
期月政務報成初縣獄罪囚或多病而死者或見精  
怪爲陰厲者妖時出沒囹圄靡寧蓋其來舊矣公曰  
民之無良妄觸憲網因致非命於拷訊桁楊間滯魂

遺寃往往幽室無緣一洗其沈淪甚可憫焉於是又推明恕於罪囚病者藥之瘠者哺之桎梏之間多獲保全有以法申送於州者率能感記將理之恩而赴死不恨也乃以釋藏中尊勝陀羅尼經道藏中度人經刻之石而立諸獄庭中剗庇之屋兩楹加以粉藻薦度之禮務爲嚴潔立碑之日正午刻鑄工程仲宣於獄戶前仆地良久乃蘇衆環詰之云見械杻重囚數吏驅擁倉忙自獄戶中出人物異甚而直迎仲宣因愔不自知耳仲宣旣安並無別苦自是獄禁屢空

間有繫囚亦無淹繫而物怪悉以屏絕嗚呼何其異也杲竊嘗謂誠以將道道以存誠道非誠以將之則道且漠然與物無與煥乎禮文殆爲虛器誠非道以存之則誠具於中而不能交物雖見於面聲於言殆爲虛名二經乃上真所以載道而公能立誠以將之故功及幽明者深而其應如此之速也善政通於神明固自然之符歟杲辱在公之門而親見異應輒虛心執筆請書碑陰庶知道與神合而知鬼神之情狀者不可誣矣政和元年辛卯十一月吉日

武安君廟記

李至

太白之精將軍稟之而神以明崆峒之氣將軍得之而威以厲故其智也將鬼神爭奧其勇也與風雷相薄觀其下鄢郢破燕趙攻韓魏所向無剛陣所取無堅壁雖衝風之隕危籜烈焰之去鴻毛未足以喻其易也向使蘇代之說不行應侯之謀不果則秦之霸也一六合吞諸侯稱始皇帝不俟政而已昭王矣豈區區離翦所能抗衡哉於戲此昭王之不幸非將軍之不幸而曰我詐降卒而坑之故爾在將軍之心則

然在何晏之論亦然在愚之意則不然旣而秦使王齕圍邯鄲卒不能拔楚遣春申擊秦衆復不能拒則秦之失策雖悔何追乎由是天下冤之爲將軍建廟貌設廟食穰城之上巍然猶存蓋將軍與穰侯善故後人彌加恭焉祭法曰功施於人則祀之將軍之功可謂大矣斯廟且久寧容圯毀鳩徒葺事不日而成我來蒞之祭神如在千齡旦暮願與神交吾欲斬溫禺擒老上庶吾君高枕無北顧之憂而神助之吾欲學兵法貞師律戰勝攻克爲國英將而神錫之一奠

古今圖書集成  
而神色動再奠而神意感三奠而神心悅旣感且悅  
烏知不有胥蠻答我靈貺俾吾懦而勇愚而智立功  
於聖代垂名於信史哉刻石爲記理不當闕亦欲使  
後之君子知吾鄧古名將爲國禦侮非諂神瀆祝以  
徼福爲心者也

鄧州新倉記

金元好問

武勝一軍雄殿南服重兵所宿兼備諸道故廩庾尤  
爲吾州之大政云云今天下之爲倉者莫勞於農而  
莫不害於農農之力至是極矣噓牛而耕曝背而耘

十人之勞不能給一人之食水旱霜雹螟蝗蝨賊凡  
害於稼者不論也用兵以來調度百出常賦所輸皆  
瘡痍之民終歲勤動不得以養其父母妻子而以之  
佐軍需者兵則恃農而戰農則恃戰而耕朝廷旰食  
宵衣惟穀之恤勸農之使冠蓋相望於道廩人之制  
非不俱備有司或不能奉承德意精粗之不齊陳腐  
之不知度量之不司簿領之不敷收貯之不謹啓閉  
之不時呵禁之不嚴檢察之不恆冒濫之不究請託  
之不絕一隙所開百奸乘之百家之所斂不足以給

古今圖書集成  
雀鼠之所耗一邑之所入不足以補風雨之所敗四方承平粒米狼戾之時然且不可况盜賊相望之後乎然則有能為國家重民食而謹軍賦者業文之士宜喜聞而樂道之也

長慶泉新廟記

前人

鄧州西百里而遠是為內鄉之東鄙有山焉岡巒起伏與析酈諸山絡脈相屬而為之殿其麓二泉灌地千畝有奇泉之上有龍祠耆老以為禱之有雨暘之應旁近之民有以飲牛羊浣裙裾者泉輒辟而遷焉

考之辨方無所知名俚俗所稱訛謬失實且不雅馴今以其地名之長慶泉正大丁亥予承乏是邑夏五月赤旱近百日凡縣境之名湫無慮數十所奔走禱祀卒無感通道路嗷嗷無望來秋有以此泉為言者予率父老詣焉幣祝甫登雲氣四合車轍未旋而甘澍浹洽明年里之民作新廟於泉之西南且以記其事為請夫龍之靈固也然古人之於禱祠不幸而不見答自咎而已幸而應焉則亦不敢以為功今也其何以致然將適與雨會歟影響之報蓋不如是之捷

也天之恩與威今龍實尸之油然而雲殷然而雷不  
崇朝而雨天下利於物者豐則享諸己者厚道家所  
言恍惚之外神龍之所居瑤宮璿室萬舞在庭金支  
翠蕤紛蔽輝映雖首出萬物奉以四海九州有不足  
盡焉者夫谷民乃以一畝之宮牲不揜豆而祀之豈  
度德審功報稱之道哉聞之天卽人人卽神神卽天  
名三而誠則一東鄰殺牛不如西鄰之禴祭實受其  
福凡以恃吾誠而已不然所持者狹所求者奢彼乘  
雲氣而遊天地之間是區區者寧足以畱其一盼耶

